

# XXVII PREMIO DE INVESTIGACIÓN 2026



Xesús Ferro Couselo

## BASES DO XXVII PREMIO DE INVESTIGACIÓN XESÚS FERRO COUSELO

### PREÁMBULO

O Concello de Valga ven convocando, anualmente, o Premio de Investigación Xesús Ferro Couselo. Con este premio quérese incentivar os estudos históricos nos ámbitos galego e local, nas especialidades de Etnografía, Paleografía, Numismática, Arqueoloxía, Historia, Historia da Arte ou sobre persoeiros do Concello de Valga.

### 1ª Modalidade:

#### TEMA

Os traballos de investigación presentados circunscribíranse ao ámbito galego, dentro da especialidade da Etnografía, Paleografía, Numismática, Arqueoloxía, Historia ou Historia da Arte.

#### TRABALLOS

Cada autor/a poderase presentar cunha ou máis obras. Os traballos presentados deberán estar escritos en lingua galega, ser inéditos e non ter obtido ningún premio anteriormente neste concurso ou en calquera outro. Os traballos deberán ter unha extensión dun mínimo de 50 e un máximo de 300 páxinas.

#### PREMIO

O Premio estará dotado con 4000 euros.

### 2ª Modalidade:

Na 2ª Modalidade, o XXVII Premio de Investigación Xesús Ferro Couselo convoca 1 bolsa de estudos.

#### TEMA

Os proxectos centraranse en estudos Históricos, Etnográficos ou sobre Persoeiros do Concello de Valga.

#### TRABALLOS

As persoas participantes presentarán un guión razoado onde se detallará:

- Os obxectivos que se pretenden acadar co traballo.
- A metodoloxía que se vai empregar.
- As distintas fases de realización do traballo coa temporalización de cada unha das fases.
- Calquera outro contido que se estime oportuno para a valoración do proxecto.

#### PREMIO

Esta bolsa estará dotada con 3000 euros. O 25% da bolsa entregarase unha vez fallado o premio e o 75% restante ao remate do traballo.

#### CONDICIONANTES

O xurado fará un seguimento do desenvolvemento do traballo premiado, podendo anular en calquera momento a concesión da bolsa se non se cumprisen as fases de realización ou os obxectivos presentados.

### Bases comúns a ámbalas dúas modalidades:

#### PRESENTACIÓN

Os traballos presentaranse baixo lema. Entregaranse 5 copias tamaño A4, con fonte Arial tipo 12 e interlineado simple. Os traballos teñen que presentarse baixo lema, que tamén figurará no exterior da plica onde se incluírán o nome e apelidos, enderezo, teléfono do/a autor/a.

#### ENVÍO

Os traballos dirixiranse ao  
Rexistro de Entrada do Concello de Valga  
Avda. da Coruña, nº14  
36645 Valga ( Pontevedra)

#### PRAZO DE ENTREGA

O prazo de presentación de traballos será ata o día 30 de abril de 2026.

#### XURADO

A Comisión de Cultura do concello designará o xurado, que estará composto por presidente, secretario/a e catro especialistas no eido da investigación. O/A secretario/a terá voz pero non voto. A composición final do xurado farase público na páxina do Concello de Valga [www.valga.gal](http://www.valga.gal) e en medios de comunicación.

#### FALLO

O fallo, nas dúas modalidades, darase a coñecer a finais de xullo de 2026.

#### PUBLICACIÓN

O Concello de Valga resérvase o dereito de publicación.

#### FINAL

O xurado, se o considera pertinente, poderá dividir o premio, concedéndollo como máximo a dúas obras. Poderá declararse deserto, sempre que os traballos non acaden a calidade desexable.

As obras premiadas quedarán en poder do Concello de Valga. As non galardoadas poderán ser retiradas persoalmente polos/as seus/súas autores/as no prazo dun mes a partir do fallo do xurado.

A Comisión Informativa de Cultura do Concello estará facultada para resolver todas as dúbidas que poidan xurdir da interpretación destas Bases.

O feito de concursar obriga aos/as autores/as a aceptar as bases desta convocatoria.

Para ver as bases completas visite [valga.gal](http://valga.gal)

O Concello de Valga, como homenaxe ao seu Fillo Predilecto, Xesús I. Ferro Couselo, insigne figura da cultura galega, e co fin de promover e incentivar os estudos actuais de investigación no campo das ciencias históricas, institúe o

PREMIO DE INVESTIGACIÓN  
XESÚS FERRO COUSELO



**Concello de Valga**

Departamento de Cultura  
Telf. 986 55 94 56  
36645 VALGA (Pontevedra)  
[concello.valga@eidolocal.es](mailto:concello.valga@eidolocal.es)  
[www.valga.gal](http://www.valga.gal)

